

UNIVERZITET U SARAJEVU
- SENAT -

Broj: 01-38-2434/12

Sarajevo, 17. 10. 2012. godine

Z A P I S N I K
SA 1. SJEDNICE SENATA
ODRŽANE 17. 10. 2012. GODINE

Prisutni članovi Senata: prof. dr. Muharem Avdispahić, rektor, prof. Marina Finci, prof. Zijad Mehić, prof. dr. Rada Čahtarević, prof. dr. Željko Šain, prof. dr. Narcis Behlilović, prof. dr. Zuhdija Hasanović, prof. dr. Šaćir Filandra, prof. dr. Munir Talović, prof. dr. Samir Čaušević, prof. dr. Dijana Avdić, prof. dr. Davorka Završnik, prof. dr. Nijaz Ibrulj, prof. dr. Samir Dolarević (po ovlaštenju dekana), prof. dr. Ejub Džaferović, prof. dr. Bakir Mehić, prof. Mirjana Papić-Hrkaš, prof. dr. Uzeir Bavčić, prof. dr. Mirsad Kurtović, prof. dr. Hajrija Sijerčić-Čolić, prof. dr. Rifat Škrijelj, prof. dr. Safet Nurković, prof. dr. Milka Maksimović, prof. dr. Sead Redžepagić, prof. dr. Mirza Dautbašić, prof. dr. Nihad Fejzić, prof. dr. Munib Tahirović, prof. dr. Pavo Jurišić, te prof. dr. Zoran Hadžiahmetović (KCUS), dr. Ismet Ovčina (NUB) i Ahmed Nurković (SPUS).

Ostali prisutni: gospođa Azra Zvizdić, dipl. iur., gospodin Kenan Filipović, dipl. iur., gospođa Almasa Tuhčić, dipl. iur., i gospodin Mirnes Ibrić, dipl. iur., Služba za pravne poslove Univerziteta u Sarajevu.

Odsutni: predstavnik Fakulteta za kriminalistiku, kriminologiju i sigurnosne studije Univerziteta u Sarajevu, prof. dr. Ivo Komšić i prof. dr. Esad Duraković, članovi.

Zasjedanje je počelo u 13,00 sati.

Predsjedavao je prof. dr. Muharem Avdispahić, na čiji je prijedlog usvojen sljedeći

D N E V N I R E D

1. Usvajanje Zapisnika sa 44. sjednice Senata od 26. 09. 2012. godine
2. Prijedlog Pravilnika o izboru prorektora Univerziteta u Sarajevu
3. Izbor prorektora Univerziteta u Sarajevu
4. Informacije

TOK SJEDNICE

Ad-1.

Povodom usvajanja Zapisnika sa 44. sjednice Senata od 26. 09. 2012. godine za riječ se javio dr. Ismet Ovčina, direktor Nacionalne i univerzitetske biblioteke BiH, te zatražio da se u tački 13.d) doda rečenica: „Dr. Ismet Ovčina je zatražio da se Nacionalna i univerzitetska biblioteka BiH aktivno uključi u navedeni projekat u skladu sa svojom ulogom“.

Nakon što su senatori jednoglasno usvojili navedenu dopunu, usvojen je Zapisnik sa 44. sjednice Senata od 26. 09. 2012. godine.

Ad-2.

Senat je jednoglasno usvojio Pravilnik o izboru prorektora Univerziteta u Sarajevu (navedeni pravilnik je sastavni dio ovog zapisnika i nalazi se kao prilog 1).

Ad-3.

U skladu sa Pravilnikom o izboru prorektora Univerziteta u Sarajevu, a na osnovu prijedloga kandidata za prorektore koje je rektor prof. dr. Muharem Avdispahić dostavio Senatu, Senat je javnim glasanjem, jednoglasno, izvršio izbor prorektora Univerziteta u Sarajevu za mandatni period 2012–2016. godine i to:

- prof. dr. Dženan Đonlagić, prorektor za oblast nastave i
- prof. dr. Ugo Vlasisavljević, prorektor za oblast međunarodnih odnosa.

Senat je jednoglasno ovlastio prof. dr. Muharema Avdispahića, rektora Univerziteta u Sarajevu, da potpiše rješenja o imenovanju prorektora.

Ad-4.

Informacije

4.1. Rektor je informirao Senat o postupku kojim su predstavnici grupacija usaglasili prijavu Univerziteta u Sarajevu na drugi poziv Federalnog ministarstva obrazovanja i nauke za finansiranje naučnoistraživačkih projekata. Senat je podržao provedeni postupak. Zatim je uslijedila diskusija o principijelnim problemima u vezi sa metodologijom koju primjenjuje Federalno ministarstvo pri raspisivanju konkursa i odabiru projekata za sufinansiranje. U diskusiji su učestvovali: prof. dr. Ejub Džaferović, prof. dr. Sead Redžepagić, prof. dr. Mirsad Kurtović, prof. dr. Rifat Škrijelj, prof. dr. Munir Talović, prof. dr. Uzeir Bavčić.

Nakon diskusije je konstatovano da bi se trebao organizirati sastanak menadžmenta Rektorata Univerziteta u Sarajevu sa ministrom Federalnog ministarstva obrazovanja i nauke kao i sa ministrom za obrazovanje, nauku i mlade Kantona Sarajevo. Na navedenom sastanku je potrebno istaknuti zahtjev da se finansijska sredstva namijenjena nauci distribuiraju u dogovoru sa državnim univerzitetima, na način koji treba da utvrdi Rektorska konferencija BiH.

4.2. Prof. dr. Muharem Avdispahić je obavijestio članove Senata da će se u toku naredne sedmice konstituirati sve grupacije visokoškolskih i naučnih članica Univerziteta u Sarajevu.

Također je istakao potrebu da se prilikom izrade Statuta Univerziteta u Sarajevu i izmjena Zakona o visokom obrazovanju Kantona Sarajevo poštuju odredbe Okvirnog zakona o visokom obrazovanju. Eksplicitno su spomenuta odstupanja u

pogledu sastava Upravnog odbora, a naglašeno je opredjeljenje za reprezentativnu zastupljenost studenata sva tri ciklusa u nastavno-naučnim vijećima i Senatu.

Prof. dr. Muharem Avdispahić je ukazao na bitnost rada članica Univerziteta u Sarajevu na poboljšanju i ažuriranju sadržaja svojih web stranica kako bi se unaprijedila predstavljenost Univerziteta.

4.3. Prof. dr. Muharem Avdispahić je obavijestio članove Senata da će do povratka sa bolovanja gospodina Zorana Seleskovića, dipl. iur., generalnog sekretara Univerziteta u Sarajevu, poslove generalnog sekretara obavljati gospođa Azra Zvizdić, dipl. iur., stručna saradnica Službe za pravne poslove Univerziteta u Sarajevu.

4.4. Povodom 60. godišnjice postojanja i rada Ekonomskog fakulteta Univerziteta u Sarajevu prof. dr. Željko Šain, dekan Ekonomskog fakulteta Univerziteta u Sarajevu, obratio se senatorima prigodnim govorom.

Sjednica je završena u 14,00 sati.

Rektor

Prof. dr. Muharem Avdispahić

Zapisničar:

Alma Voloder-Madacki